

全唐詩



全唐詩目 第一函

第六冊

樂府 八卷至十卷

用書藏



全唐詩

雜曲歌辭

詩之流有八名曰行曰引曰歌曰謠曰吟曰詠曰怨曰歎皆六義之餘也至其協聲律播金石總謂之曲

秦女休行

李白

西門秦氏女秀色如瓊花手揮白楊刀清晝殺讐家羅  
袖灑赤血英聲集作氣凌紫霞直上西山去關吏相邀遮塔  
為燕國王身被詔獄加犯刑若履虎不畏落爪牙素頸  
未及斷摧眉伏泥沙金雞忽放赦大辟得寬賒何慙聶  
政姊萬古共驚嘆

出門行二首

孟郊

長河悠悠去無極百齡同此可歎息秋風白露霑人衣  
壯心凋落奪顏色少年出門將訴誰川無梁兮路無岐

一聞陌上苦寒奏使我佇立驚且悲君今得意厭梁肉  
豈復念我貧賤時

海風蕭蕭天雨霜窮愁獨坐夜何長驅車舊憶太行險  
始知遊子悲故鄉美人相思隔天闕長望雲端不可越  
手持琅玕欲有贈愛而不見心斷絕南山峩峩白石爛  
碧海之波浩漫漫參辰出沒不相待我欲橫天無羽翰

同前

元稹

兄弟同出門同行不同志悽悽分岐路各各營所爲兄  
上荆山巔翻石辨虹氣弟沈滄海底偷珠待龍睡出門  
不數年同歸亦同遂俱用私所珍升沈自茲異獻珠龍  
王宮值龍覓珠次但喜復得珠不求珠所自酬客雙龍

女授客六龍轡遣充行雨神雨澤隨客意零夏鐘鼓繁  
崇秋玉帛積彩色畫廊廟奴僮被珠翠驥駟千萬雙鴛  
鴦七十二言者禾稼枯集作未  
搖舌無人敢輕議其兄因獻璞

再則不履地門戶親戚疎匡牀妻妾棄銘心有所待視  
足無所愧持璞自枕頭淚痕雙血漬一朝龍醒寤本問  
偷珠事因知行雨偏妻子五刑備仁兄捧屍哭勢友掉  
頭諱喪車黔首葬弔客青蠅至楚有望氣人王前忽長  
跪賀王得貴寶不遠王所益求之果如言剖則集作  
出浮雲

集作  
筠膩白珩無顏色垂棘有瑕累在楚列地封入趙連城

貴秦遣李斯書書爲傳國瑞秦亡漢魏傳傳者得神器  
卞和名永永與寶不相墜勸爾出門行行難莫行易易

得還易失難同亦難離善賈識貪廉良田無殖穉磨劔  
莫磨錐磨錐成小利

出自薊北門行 李白

虜陣橫北荒胡星曜精芒羽書速驚電烽火晝連光虎  
竹救邊急戎車森已行明主不安席按劔心飛揚推轂  
出猛將連旗登戰場兵威衝絕漠殺氣凌穹蒼列卒一作陣  
赤山下開營紫塞傍途集作窮冬沙風集作風沙緊旌旗颯凋傷晝  
角悲海月征衣卷天霜揮刃斬樓蘭彎弓射賢王單于  
一平蕩種落自奔亡收功報天子行歌一作歌舞歸咸陽

薊門行五首 高適

邊城十一月雨雪亂霏霏元戎號令嚴人馬亦輕肥羌



胡無盡日征戰幾人歸

幽州多騎射結髮重橫行一朝事將軍出入有聲名紛  
紛獵秋草相向角弓鳴

薊門逢古老獨立思氛氲一身既零丁頭鬢白紛紛勲  
庸今已矣不識霍將軍

茫茫集作黯黯長城外日沒更煙塵胡騎雖憑陵漢兵不顧身

古樹滿空塞黃雲愁殺人

漢家能用武開拓窮異域戍卒厭糠覈降胡飽衣食開

亭試一望吾欲涕集作淚霑臆

同前 李希仲

旄頭有精芒胡騎獵秋草羽檄南渡河邊庭用兵早漢

家愛征戰宿將今已老辛苦羽林兒從戎榆關道一身

救邊速烽火連

集作通

薊門前軍鳥飛

集作飛鳥

斷格鬪塵沙昏寒

日鼓聲急單于夜火

集作將

奔當須徇忠義身死報國恩

一身救邊

速以下集  
另作一首

### 君子有所思行

李白

紫閣連終南青冥天倪色憑崖望咸陽宮闕羅北極萬

井驚畫出九衢如弦直渭水清銀河

集作銀河清

橫天流不息

朝野盛文物衣冠何翕施廐馬散連山軍容威絕域伊

臯運元化衛霍輸筋力歌鐘樂未休榮去老還逼圓光

過滿缺太陽移中昃不散東海金何爭西輝

集作飛

匿無作

牛山悲惻愴淚霑臆

同前 僧貫休

我愛正考甫思賢作商頌我愛揚子雲理亂皆如鳳振  
衣中夜起露花香旖旎撲碎驪龍明月珠敲出鳳凰五  
色髓陋巷蕭蕭風淅淅緬想斯人勝珪璧寂寥千載不  
相逢無限區區盡虛擲君不見沈約道佳人不在茲春  
光爲誰惜

安得龍猛筆點石爲黃金散問一作向酷吏家使無貪殘心

甘棠密葉成翠幄穎鳳不來天地塞所以集有傾國二字傾城人

如今集有如今二字不可得

傷歌行 張籍側調曲

黃門詔下促收捕京兆君一作尹繫御史府出門無復部曲

隨親戚相逢不容語辭成謫尉南海州受命不得須臾  
留身著青衫騎惡馬東門之東集作外無送者郵夫防吏急  
喧驅往往驚墮馬蹄下長安里中荒大宅朱門已除十  
二戟高堂舞榭鎖管弦美人遙望西南天

同前

孟郊

衆毒蔓貞松一枝難久榮豈知黃庭客仙骨生不成春  
色含芳蕙秋風撓枯莖彈琴不成曲始覺知音傾館月  
改舊照弔賓寫餘情還舟空江上波浪送銘旌

同前

莊南傑

兔走鳥飛不相見人事依稀速如電王母天桃一度開  
玉樓紅粉千回變車馳馬走咸陽道石家舊宅空荒草

秋雨無情不惜花芙蓉一一驚香倒勸君莫謾栽荆棘  
秦皇虛費一作負驅山力英風一去更無言白骨沈埋暮山  
碧

悲歌

李太白

悲來乎悲來乎主人有酒且莫斟聽我一曲悲來吟悲  
來不吟還不笑天下無人知我心君有數斗酒我有二  
尺琴琴鳴酒樂兩相得一杯不啻千鈞金悲來乎悲來  
乎天雖長地雖久金玉滿堂應不守富貴百年能幾何  
死生一度人皆有孤猿坐啼墳上月且須一盡杯中酒  
悲來乎悲來乎鳳鳥不至河無圖微子去之箕子奴漢  
帝不憶李將軍楚王放却屈大夫悲來乎悲來乎秦家

李斯早追悔虛名撥向身之外范子何曾愛五湖功成  
名遂身自退劍是一夫用書能知姓名惠施不肯千萬  
乘卜式未必窮一經還須黑頭取方伯莫謾白首爲儒  
生

悲哉行

孟雲卿

孤兒去慈親遠客喪主人莫吟苦辛曲誰忍聞可聞

集作此曲

誰忍聞可聞不可說去去無期別行人念前程不待參辰沒  
朝亦常苦飢暮亦常苦飢飄飄萬餘里貧賤多是非少  
年莫遠遊遠遊多不歸

同前

白居易

悲哉爲儒者力學不能

集作如

疲讀書眼欲暗秉筆手生胝

十上方一第成名常苦遲縱有宦達者兩鬢已成絲可  
憐少壯日適在窮賤時丈夫老且病焉用富貴為沈沈  
朱門宅中有乳臭兒狀貌如婦人光明膏梁肌手不把  
書卷身不擐戎衣二十襲封爵門承勲戚資春來日日  
出服御何輕肥朝從博徒飲暮有倡樓期評集作平封還酒  
債堆金選蛾眉聲色狗馬外其餘一無知山苗與澗松  
地勢隨高卑古來無奈何非君獨傷悲

同前

鮑溶

促促晨復昏死生同一源貴年不懼老賤老傷久存朗  
朗哭前歌絳旌引幽魂來為千金子去臥百草根黃土  
塞生路悲風送回轅金鞍舊良馬四顧不出集作入門生結

千歲念榮及百代孫集作榮華及百孫黃金買性命白刃雙集作一

言寧知北山上松柏侵田園

妾薄命崔國輔

雖入秦帝宮不上秦帝牀夜夜玉窗裏與他卷羅裳集作衣裳

同前武平一

有女妖且麗裴回湘水湄水湄蘭杜芳采之將寄誰瓠  
犀發皓齒雙蛾嚙翠眉紅臉如開蓮素膚若凝脂綽約  
多逸態輕盈不自持常矜絕代色復恃傾城姿子夫前  
入侍飛燕復當時正悅掌中舞寧哀團扇詩洛川昔云  
遇高唐今尚違幽閣禽雀噪閑堦草露滋流景一何速  
年華不可追解佩安所贈怨咽空自悲



同前 李百藥

團扇秋風起長門夜月明羞聞拊背入恨說舞腰輕太  
常應集作先已醉劉君怕帶醒橫陳每虛設吉夢竟何成

同前 杜審言

草綠長門閉集作掩苔青永巷幽寵移新愛奪泣下故情留  
啼鳥驚殘夢飛花攪獨愁自憐春色罷團扇復迎秋

同前 劉元淑

自從離別守空閨遙聞征戰起集作赴雲梯夜夜愁集作思君遼

海外集作北年年棄妾渭橋西陽春白日照空暖紫燕銜花

向庭滿綵鸞琴裏怨聲多飛鵲鏡前妝梳斷誰家夫壻

不從征應是漁陽別有情莫道紅顏燕地少家家還似

洛陽城且

集作日

逐新人殊未歸還令秋至夜霜飛北斗星

前橫度

集作旅

鴈南樓月下擣寒衣夜深聞鴈腸欲絕獨坐

縫衣燈

又滅暗啼羅帳空自憐夢度陽關向誰說每憐

容貌宛如神如何薄命不勝人願君朝夕燕山至好作

明年楊柳春

同前 李白

漢帝重

一作寵

阿嬌貯之黃金屋咳唾落九天隨風生珠玉

寵極愛還歇妒深情却疎長門一步地不肯暫回車雨

落不上天水覆難再

一作重難

收君情與妾意各自東西流昔

日芙蓉花今成斷根草以色事他人能得幾時好

同前 孟郊

不惜十指弦為君千萬彈常恐新聲至一作發坐使一作使我故聲

一作曲殘棄置今日悲即是昨日歡將新變故易持故為新

難青山有薜蘿淚葉長不乾空令後代人采掇幽思攢

一作思

幽蘭

同前 張籍

薄命婦良家子無事從軍去萬里漢家天子平四夷護  
羌都尉裹屍歸念君此行為死別對君裁縫泉下衣與  
君一日為夫婦千年萬歲亦相守君愛龍城征戰功妾  
願青樓歡樂同人生各各有所欲詎得將心入君腹

同前三首 李端

憶妾初嫁君花鬟如綠雲回燈入綺帳對一作轉面脫羅裙

折步教人學偷香與客熏容顏南國重名字北方聞一  
從失恩意轉覺身憔悴對鏡不梳頭倚窗空落淚新人  
莫特新秋至會無春從來閉在長門者必是宮中第一  
人

玉壘城邊爭走馬銅蹄

集作

市裏共乘舟鳴環動佩思無

盡掩袖低巾淚不流疇昔將歌邀客醉如今欲舞對君  
羞忍懷賤妾平生曲獨上襄陽舊酒樓

自從君棄妾憔悴不羞人惟餘壞粉淚未免映衫勻

同前

盧綸

妾年初二八兩度嫁狂夫薄命今猶在堅貞掃地無

同前

盧綸

君恩已斷盡成空追想嬌歡恨莫窮長爲薜華光曉日  
誰知團扇送秋風黃金買賦心徒切清路飛塵信莫通  
閑凭玉欄思舊事幾回春暮泣殘紅

同前

胡曾

阿嬌初失漢皇恩舊賜羅衣亦罷熏欹枕夜悲金屋雨  
卷簾朝泣玉樓雲宮前葉落鴛鴦瓦架上塵生翡翠裙  
龍騎不巡時漸久長門長

集作空

掩綠苔文

同前

王貞白

薄命頭欲白頻年嫁不成秦娥未十五昨夜事公卿豈  
有機杼力空傳歌舞名妾專修婦德媒氏却相輕

羽林行

王建

長安惡少出名字樓下劫商樓上醉天明下直明光宮  
散入五陵松柏中百回殺人身合死赦書尚有收城功  
九衢一日消息定鄉吏籍中重改姓出來依舊屬羽林  
立在殿前射飛禽

論體不同前

孟郊

朔雪寒斷指朔風勁裂冰胡中射鷗者此日猶不能翻  
翻羽林兒錦臂飛蒼鷹揮鞭決集作快白馬走出黃河凌

同前 鮑溶

朝出羽林宮入參雲臺議獨請萬里行不奏和親事君  
王重年少深納開邊利寶馬雕玉鞍一朝從萬騎煌煌  
都門外祖帳光七貴歌鐘樂行軍雲物慘別地簫笳整

部曲幢蓋動郊次臨風親戚懷滿袖兒女淚行行復何  
贈長劔報恩字

白馬篇

李白

龍馬花雪毛金鞍五陵豪秋霜切玉劔落日明珠袍鬪  
雞事萬乘軒蓋一何高弓摧宜集作南山虎手接泰山猱酒

後競風彩三杯弄寶刀殺人如翦草劇孟同遊遨發憤

去函谷從軍向臨洮叱咤萬戰場

一作經百戰

匈奴盡波濤集作奔逃

歸來使酒氣未肯拜蕭曹羞入原憲室荒徑集作淫隱蓬蒿

升天行

曾齊已

身不沈骨不重驅青鸞駕白鳳幢蓋飄飄入冷空天風  
瑟瑟星河動瑤闕參差阿母家樓臺戲閉凝彤霞五三

集作三五

仙子乘龍車堂前碾爛蟠桃花回頭却顧蓬山

集作萊頂

一點濃嵐在深井

神仙曲

李賀

碧峰海面藏靈書上帝揀作神仙居晴時

集作清明

笑語聞空

虛鬪乘巨浪騎鯨魚春羅翦字邀王母共宴紅樓最深

處鶴羽衝風過海遲不如卻使青龍去猶疑王母不相

許垂露娃鬟更傳語

北風行

李白

燭龍棲寒門光曜猶旦開日月照之何不及此惟有北

風怒號天上來燕山雪花大如席片片吹落軒轅臺幽

州思婦十二月停歌罷笑雙蛾摧倚門望行人念君長



城苦寒良可哀別時提劍救邊去遺此虎文金髀釵集作  
中有一雙白羽箭蜘蛛結網生塵埃箭空在人今戰死  
不復迴不忍見此物焚之已成灰黃河捧土尚可塞北  
風雨雪恨難裁一作

苦熱行

王維

赤日滿天地火雲成山嶽草木盡焦卷川澤皆竭涸輕  
紈覺衣重密樹苦陰薄莞簟不可近絺綌再三濯思出  
宇宙外曠然在寥廓長風萬里來江海蕩煩濁却顧身  
爲患始知心未覺忽入甘露門宛然清涼樂

同前

王穀

祝融南來鞭火龍火旗焰焰燒天紅日輪當午凝不去

萬國如在洪爐中五嶽翠乾雲彩滅陽侯海底愁波竭  
何當一夕金風發為我掃却天下熱

同前

僧皎然

六月金數伏茲辰日在庚炎曦曝集作肌膚毒霧昏檐楹

集作安得奮翅集作翻超遙出雲征不知天地心如何匠生

成火德燒百卉瑤草不及榮省客當此時忽貽懷中瓊  
捧翫煩袂滌嘯歌美風生遲君佐元氣調使四序平中  
令霜不祆火餘氣常貞江南詩騷客休吟苦熱行

同前

僧齊己

離宮劃開赤帝怒喝起六龍奔日馭下土熬熬若煎煮  
蒼生惶惶無處處火雲崢嶸焚次寥東臯老農腸欲焦

何當一雨蘇我苗爲君擊壤歌帝堯

太行苦熱行

劉長卿

迢迢太行路自古稱險惡千騎儼欲前羣峰望如削火

雲從中起

集作出

仰視飛鳥落汗馬臥高原危旌倚長薄清

風何不至赤日方煎爍石露

集作枯

山木焦鱗窮水泉涸九

重今盱食萬里傳明略諸將候軒車元兇愁鼎鑊何勞

短兵接自有長纓縛通越事豈難渡瀘功未博朝辭羊

腸坂夕望貝丘郭漳水斜遶營常山遙入幕永懷姑蘇

下因

集作遙

寄建安作白雪和誠難滄波意空託陳琳書記

好王粲從軍樂早晚歸漢庭隨君

集作公

上麟閣

同前

獨孤及

駟馬上太行修途亘遼碣王程無留駕日昃未遑歇請  
問此何時恢台朱明月長蛇稽天討上將方北伐明主  
命使臣皇華得時傑已忘羊腸險豈憚温集作濕風入集作熱搖  
策汗滂沲集作滄登崖集作岸思紆結炎雲如煙火溪谷將恐竭  
晝景艱可畏涼飈何由發山長飛鳥墮目極行車絕趙  
魏方倣擾安危俟明哲歸路豈不懷飲冰有苦節會同  
傳檄至疑議立談決況有阮元瑜翩翩秉書札起子歌  
赤坂永好踰白雪誰念剖竹人無因執羈紲

春日行

李白

深宮高樓入紫清金作蛟龍盤繡一作繡楹佳人當窗弄白  
日弦將手語彈鳴箏春風吹落君王耳此曲乃是升天

行因出天池汎蓬瀛樓船蹙杳波浪驚三千雙蛾獻歌  
笑搗鐘考鼓宮殿傾萬姓聚舞歌太平我無爲人自寧  
三十六帝欲相迎仙人飄翩下雲輶帝不去留鎬京安  
能爲軒轅獨往入宵冥小臣拜獻南山壽陛下萬古垂  
鴻名

同前

張籍

春日融融池上暖竹牙出土蘭心短草堂晨起酒半醒  
家僮報我園花滿頭上皮冠未曾整直入花間不尋徑  
樹樹殷勤盡遶行舉集作攀枝未徧春日暝不用積金著青  
天不用服藥求神仙但願園裏花長好一生飲酒花前  
老

朗月行 李白

小時不識月呼作白玉盤又疑瑤臺鏡飛在青

集作白

雲端

仙人垂兩足桂樹作團團白兔搗藥成問言與誰餐蟾  
蜥蝕園影天明夜已殘羿昔落九烏天人清且安陰精  
此淪惑去去不足觀憂來其如何惻

集作悽

愴摧心肝

前有一尊酒行二首 李白

春風東來忽相過金尊綠酒生微波落花紛紛稍覺多  
美人欲醉朱顏醜青軒桃李能幾何流光欺人忽蹉跎  
君起舞日西夕當年意氣不肯傾

集作平

白髮如絲歎何益

琴奏龍門之綠桐玉壺美酒清若空催弦拂柱與君飲  
看朱成碧顏始紅胡姬貌如花當壚笑春風笑春風舞

羅衣君今不醉欲集作將安歸

緩歌行

李頎

小來託身攀貴遊，傾財破產無所憂。暮擬經過石渠署，  
朝將出入銅龍樓。結交杜陵輕薄子，謂言可生復可死。  
一沈一浮會有時，棄我翻然如脫屣。男兒立身須自彊，  
十五閉戶穎水陽。業就功成見明主，擊鐘鼎食坐華堂。  
二八蛾眉梳墮馬，美酒清歌曲房下。文昌宮中賜錦衣，  
長安陌上退朝歸。五侯集作陵賓從莫敢視，三省官寮揖者  
稀。早知今日讀書是悔作，從來集作前任俠非。

結客少年場行

虞世南

韓魏多奇節，個儻遺名集作聲。利共矜然諾，心各負縱橫。志

結友

集作交

一言重相思

集作期

千里至綠沈明月弦金絡浮雲

響吹簫入吳市擊筑游燕肆尋源博望侯結客遠相求

少年重

集作懷

一顧長驅背隴頭皸皸霜戈

集作戈霜

動耿耿劒虹

浮天山冬夏雪交河南北流雲起龍沙暗木落鴈行

集作門

秋輕生徇知己非是為身謀

同前

虞羽客

幽并俠少年金絡控連錢竊符方救趙擊筑正懷燕輕

生辭鳳闕揮袂上祁連陸離橫寶劒出沒驚

集作驚

徂旃裳

輪恒顧敵超乘忽爭先摧枯逾百戰拓地遠三千骨都

魂已散樓蘭首復傳龍城含曉霧瀚海隔

集作接

遙天歌吹

金微返振旅玉門旋烽火今已息非復照甘泉



同前 盧照鄰

長安重遊俠洛陽富才雄玉劍浮雲騎金鞍集作明月弓  
鬪雞過渭北走馬向關東孫賓遙見待郭解暗相通不  
受千金爵誰論萬里功將軍下天上虜騎入雲中烽火  
夜似月兵氣曉成虹橫行徇知己負羽遠從戎龍旌昏  
朔霧鳥陣卷寒風追奔瀚海咽戰罷陰山空歸來謝天  
子何如馬上翁

同前 李白

紫燕黃金瞳啾啾一作稜稜搖綠髮平明相馳逐結客洛門東  
少年學劍術凌轢白猿公珠袍曳錦帶七首插吳鴻由  
來萬夫勇挾此生雄風託交從劇孟買醉入新豐笑盡

一杯酒殺人都市中羞道易水寒從今日貫虹燕丹事  
不立虛沒秦帝宮舞陽死灰人安可與成功

同前 沈彬

重義輕生一劍知白虹貫日報讐歸片心惆悵清平世  
酒市無人問布衣

少年子 李白藥

少年飛翠蓋上路動 集作勒 金鑣始酌文君酒新吹弄玉簫

少年不歡樂何以盡芳朝千金笑裏面一搦抱 集作掌 中腰

挂冠 集作纓 豈憚宿迎拜 一作落理 不勝嬌寄語少年子無辭歸路

遙

同前 李白

青雲少年子挾彈章臺左鞍馬四邊開突如流星過金  
丸落飛鳥夜入瓊樓臥夷齊是何人獨守西山餓

少年樂

李賀

芳草落花如錦地二十長遊醉鄉裏紅纓不重

集作

白馬

驕垂柳金絲香拂水吳娥未笑花不開綠鬢聳墮蘭雲  
起陸郎倚醉牽羅袂奪得寶釵金翡翠

同前

張祜

二十便封侯名居第一流綠鬢深小院清管下高樓醉  
把金船擲閑敲玉鐙遊帶盤紅鼯鼠袍研紫犀牛錦袋  
歸調箭羅鞋起撥球眼前長貴盛那信世間愁

少年行三首

李白

擊筑飲美酒，劒歌易水湄。經過燕太子，結託并州兒。少年負壯氣，奮烈自有時。因聲集作擊魯句踐，爭情一作博勿相欺。五陵年少金市東，銀鞍白馬度春風。落花踏盡遊何處，笑入胡姬酒肆中。

君不見淮南少年遊，俠客白日球獵夜擁擲。呼盧百萬終不惜，報讐千里如咫尺。少年遊俠好經過，渾身裝束皆綺羅。蕙相隨，喧妓女風光去處滿。笙歌驕矜自言不可有，俠士堂中養來久。好鞍好馬乞與人，十千五千旋沽酒。赤心用盡爲知己，黃金不惜栽桃李。桃李栽來幾度春，一回花落一回新。府縣盡爲門下客，王侯皆是平交人。男兒百年且樂命，何須徇書受貧病。男兒百年

且榮身何須徇節甘風塵衣冠半是征戰士窮儒浪作  
林泉民遮莫枝根長百丈不如當代多還往遮莫姻親  
連帝城不如當身自簪纓看取富貴眼前者何用悠悠  
身後名

同前四首

王維

新豐美酒斗十千咸陽遊俠多少年相逢意氣爲君飲  
繫馬高樓垂柳邊

漢家君臣歡宴終高議雲臺論戰功天子臨軒賜侯印  
將軍佩出明光宮

出身仕漢羽林郎初隨驃騎戰漁陽孰知不向邊庭苦  
縱死猶聞俠骨香

一身能臂集作兩雕弧虜騎千羣集作只似無偏坐金鞍調

白羽紛紛射殺五單于

同前二首 王昌齡

西陵俠年少送客過長亭青槐夾兩路集作白馬如流星

聞道羽書急單于寇井陘氣高輕赴難誰顧燕山銘

走馬還集作相尋西樓下夕陰結交期一劍留意贈千金

高閣歌聲遠重關柳色深夜閑須盡醉莫負百年心

同前 張籍

少年從出獵集作長楊禁中新拜羽林郎獨到輦前射雙

虎君王手賜黃金鐙集作日日鬪雞都市裏贏得寶刀重

刻字百里報讐夜出城平明還在倡樓醉遙聞虜到平

陵下不待詔書行上馬斬得名王獻桂宮封侯起第一  
口中不爲六郡良家子百戰始取邊城功

同前三首 李疑

十八羽林郎戎衣事漢王臂鷹金殿側挾彈玉輿旁

馳道春風起陪遊出建章

侍獵長楊下承恩更射飛塵生馬影滅箭落鴈行稀薄

暮歸隨仗聯翩入瑣闈

集作  
隨天

玉劔膝邊橫金杯馬上傾朝遊茂陵道暮宿鳳凰城豪

吏多猜忌無勞問姓名

同前 劉長卿

射飛誇侍獵行樂愛聯鑣薦枕青娥豔鳴鞭白馬驕曲

房珠翠合深巷管弦調日晚春風裏衣香滿路飄

同前四首

今狐楚

少小邊州慣放狂驍騎蕃馬射黃羊如今年事無筋力  
猶倚營門數鴈行

家本清河住五城須憑弓箭得功名等閑飛鞚秋原上  
獨向寒雲試射聲

弓背霞明劔照霜秋風走馬出咸陽未收天子河湟地  
不擬回頭望故鄉

霜滿中庭月過集作滿樓金尊玉柱對清秋當年稱意須爲

樂不到天明未肯休

同前二首

杜牧



官爲駿馬監職帥羽林兒兩綬藏不見落花何處期獵  
敲白玉鐙怒袖紫金鎚田竇長留醉蘇辛曲護集作讓岐豪  
持出塞節笑別遠山眉捷報雲臺賀公卿拜壽卮  
連環羈玉聲光碎綠錦蔽泥虬卷高春風細雨走馬去  
珠落璀璨白蜀袍

同前三首

杜甫

莫笑田家老瓦盆自從盛酒長兒孫傾銀注瓦驚人眼  
共醉終同臥竹根  
巢燕養雛渾去盡紅花結子已無多黃衫年少來宜數  
不見堂前東逝波

馬上誰家白面

一作薄媚

郎臨堦下馬坐人牀不通姓字麓豪

甚指點銀瓶索酒嘗

同前 張祐

少年足

集作年少好

風情垂鞭賣眼

集作耽睡

行帶金師子小裘錦騏

驕

集作揀

匠裝金

集作銀

鐙推

集作堆

錢買細筆李陵雖效死時

論得虛名

同前 韓榘

千點爛編噴玉

集作玉勒

驄青絲結尾繡纏駿鳴鞭晚

集作曉

出章

臺路葉葉春依

集作衣

楊柳風

同前 施肩吾

醉騎白馬走空衢惡少皆稱電不如五鳳街頭閑勒轡

半垂衫袖揖金吾

同前三首 僧貫休

錦衣鮮華手擎鵝閑行氣貌多輕忽稼穡艱難總不知  
五帝三皇是何物

自拳五色球迸入他人宅卻捉蒼頭奴玉鞭打一百  
面白如削玉猖狂曲江曲馬上黃金鞍適來新賭得

同前 韋莊

五陵豪客多買酒黃金賤醉下酒家樓美人雙翠幘揮  
劔邯鄲市走馬梁王苑樂事殊未央年華已云晚

漢宮少年行 李益

君不見上宮警夜營八屯鼕鼕街鼓朝朱軒玉階霜仗  
擁未合少年排入銅龍門暗聞弦管九天上宮漏沈沈

清吹繁纔明走馬絕馳道呼鷹挾彈通繚垣玉籠金瑣  
養黃口探雛取卵伴王孫分曹六博快一擲迎歡先意  
笑語喧巧爲柔媚學優孟儒衣嬉戲冠沐猿晚來香街  
經柳市行過倡市宿桃根相逢杯酒一言失回朱點白  
聞至尊金張許史伺顏色王侯將相莫敢論豈知人事  
無定勢朝歡暮戚如掌翻椒房寵移子愛奪一夕秋風  
生戾園徒用黃金將買賦寧知白玉暗成痕持杯收水  
水已覆徒薪避火火更燔欲求四老張丞相南山如天  
不可上

長樂少年行

崔國輔

遺卻珊瑚鞭白馬驕不行章臺折楊柳春草

集作

路旁情

長安少年行十首

李廓

金紫少年郎繞街鞍馬光身從左中尉官屬右春坊刻  
戴揚州帽重重異國香垂鞭踏青草來去杏園芳  
追逐輕薄伴閑遊不著緋長攏出獵馬數換打球衣曉  
日尋花去春風帶酒歸青樓無晝夜歌舞歇時稀  
日高春睡足帖馬賞年華倒插銀魚袋行隨金犢車還  
攜新市酒遠醉曲江花幾度歸侵黑金吾送到家  
好勝耽長行天明燭滿樓留人看獨脚賭馬換偏頭樂  
奏曾無歇杯巡不暫休時時遙冷笑怪客有春愁  
遨遊攜豔妓裝束似男兒杯酒逢花住笙歌簇馬吹鶯  
聲催曲急春色訝集作送歸遲不以聞街鼓華筵待月移

賞春惟逐勝大宅可曾歸不樂還逃席多狂慣袂衣歌  
人踏月起語燕卷簾飛好婦集作婦好惟相妒倡樓不醉稀

戟門連日閉苦飲惜殘春開瑣通新客教姬屈醉人請

集作情歌牽白馬自舞踏紅茵時輩皆相許平生不負身

新年高殿上始見有光輝玉鴈排方帶金鸞立仗衣酒

深和椀賜馬疾打珂飛朝下人爭看香街意氣歸

遊市慵騎馬隨姬入坐車樓邊聽歌吹簾外市釵集作兒鸞花

樂眼從人鬧歸心畏日斜蒼頭來去報飲伴到倡家

小婦教鸚鵡頭邊喚醉醒犬嬌眠玉簾鷹掣撼金鈴碧

地攢花障紅泥待客亭雖然長按曲不飲不曾聽

同前 僧皎然

翠樓春酒蝦蟆陵長安少年皆共矜紛紛半醉綠槐道  
蹀躞花驄騎不勝

渭城少年行 崔顥

洛陽

一作

月梨花飛秦地行人春憶歸揚鞭走馬城南

陌朝逢驛使秦川客驛使前日發章臺傳道長安春早  
來棠梨宮中燕初至葡萄館裏花正開念此使人歸更  
早三月便達長安道長安道上春可憐搖風蕩日曲河  
邊萬戶樓臺臨渭水五陵花柳滿秦川秦川寒食盛繁  
華遊子春來喜見花 集作不見花 鬪雞下杜塵初合走馬章臺  
日半斜章臺帝城稱貴里青樓日晚歌鐘起貴里豪家  
白馬驕五陵年少不相饒雙雙挾彈來金市兩兩鳴鞭

上渭橋渭城橋頭酒新熟金鞍白馬誰家宿可憐錦瑟  
箏琵琶玉臺清酒就君集作家小婦春來不解羞嬌歌一  
曲楊柳花

邯鄲少年行 高適

邯鄲城南遊俠子自矜生長邯鄲裏千場縱博家仍富  
幾度報讐身不死宅中歌笑日紛紛門外車馬如雲屯  
集作常未知肝膽向誰是令人却憶平原君君不見今人  
如雲交態薄黃金用盡還疎索以茲感激一作辭舊遊更於時  
事無所求且與少年飲美酒往來射獵西山頭

同前 鄭錫

霞鞍金口騮豹袖紫貂裘家住叢臺下集作門前漳水流



喚人呈楚舞借客試吳鉤見說秦兵至甘心赴國讐

雜曲歌辭

輕薄篇 李益

豪不必馳千騎雄不在垂雙鞬天生俊氣自相逐出便  
鵬鷲何飛翻朝行九衢不得意下鞭走馬城西原忽聞  
鶯雁一聲去迴鞭挾彈平陵園歸來青樓曲未半美人  
玉色當金尊淮陰少年不相下酒酣半笑倚市門安知  
我有不平色白耳欲顧落紅塵昏死生容易如反掌得  
意失意由一息少年但飲莫相問此中報讐亦報恩

同前一首

僧貫休

酒味醜野春態相壓誰家少年馬蹄鬣鬣鬣

渭橋渭城橋頭酒新熟金鞍白馬誰家客  
爭誇色玉臺清酒就君唱家小婦春來不解羞嬌歌一  
曲楊柳花

邯鄲少年行 高適

邯鄲城南遊俠子自矜生長邯鄲裏  
千場縱博家仍富萬貫報讐身不死  
宅中歌笑日紛紛門外車馬如雲中  
不知肝膽向誰是令人却憶平原君  
君不見今人交態薄黃金用盡還疎索  
以茲感激一作辭舊遊更於時  
每無所求且與少年飲美酒往來射獵西山頭

同前 別語

與入呈送魏林本府吳太守見贈秦兵至甘必快因贊

全唐詩

雜曲歌辭

輕薄篇

李益

豪不必馳千騎雄不在垂雙鞬天生俊氣自相逐出與  
鷗鷖同飛翻朝行九衢不得意下鞭走馬城西原忽聞  
燕雁一聲去迴鞭挾彈平陵園歸來青樓曲未半美人  
玉色當金尊淮陰少年不相下酒酣半笑倚市門安知  
我有不平色白日欲顧崇作落紅塵昏死生容易如反掌得  
意失意由一言少年但飲莫相問此中報讐亦報恩

同前二首

僧貫休

繡林錦野春態相壓誰家少年馬蹄蹋蹋鬪雞走狗夜

不歸一擲賭却如花妾集作誰惟誰云不顛不狂其名不彰悲

夫

木落蕭蕭蛩鳴唧唧不覺朱萼臉紅霜劫鬢漆世途多  
事泣向秋日方吟少壯不努力老大徒傷悲如何

輕薄行 僧齊已

玉鞭金鐙驪騮蹄橫眉吐氣如虹霓五陵春暖芳草齊  
笙歌到處花成泥日沈月上且鬪雞醉來莫問天高低  
伯陽道德何涕唾仲尼禮樂徒卑棲

灞上輕薄行 孟郊

長安無緩步況值天景暮相逢灞澆間親戚不相顧自  
歎方拙身忽隨輕薄倫常恐失所避化為車轍塵此中

生白髮疾走亦未歇

遊俠篇

崔顥

少年負膽氣好勇復知機  
仗劍出門去孤城逢合圍  
殺人遼水上走馬漁陽歸  
錯落金瑣甲蒙茸貂鼠衣  
還家行且獵弓矢速如飛  
地迴鷹犬疾草深狐兔肥  
腰間懸帶集作兩綬轉眄生光輝  
顧謂今日戰何如隨建威

遊俠行

孟郊

壯士性剛決火中見石裂  
殺人不迴頭輕生如暫別  
豈知眼有淚肯白頭上髮  
平生無恩酬劍闌一十月

俠客行

李白

趙客縵胡纓吳鉤霜雪明  
銀鞍照白馬颯沓如流星  
十

步殺一人千里不留行事了拂衣去深藏身與名閑過  
信陵飲脫劍膝前橫將炙啖朱亥持觴勸侯嬴三杯吐  
然諾五嶽倒爲輕眼花耳熱後意氣素霓生救趙揮金  
植邯鄲先震驚千秋二壯士烜赫大梁城縱死俠骨香  
不慙世上英誰能書閣下白首太玄經

同前

元稹

俠客不怕死怕在事不成事成不肯藏姓名我非竊賊  
誰夜行白日堂堂殺表盜九衢草草入面青此客此心  
師海鯨海鯨露背橫滄溟海濱分作兩處生海鯨分海  
減海力俠客有謀人不測三尺鐵蛇延二國

同前

溫庭筠

欲出鴻都門陰雲蔽城闕寶劍黯如水微紅濕餘血白

馬夜頻嘶一作驚三更霸陵雪

行行遊且獵篇李白

邊城兒生年不讀一字書但知遊獵誇輕趨胡馬秋肥  
宜白草騎來躡影何矜一作可憐驕金鞭拂雲揮鳴鞘半酣呼  
鷹出遠郊弓彎滿月不虛發雙鷁迸落連飛髀海邊觀  
者皆辟易猛氣英風振沙磧儒生不及遊俠人白首下  
帷復何益

遊子吟孟郊

慈母手中線遊子身上衣臨行密密縫意恐遲遲歸誰  
言寸草心報得三春暉

同前 顧況

本朝

故櫪思疲馬故巢思迷禽浮雲蔽我鄉躑躅遊子吟遊  
子悲久滯浮雲鬱東岑客堂無絲桐落葉如秋霖艱哉

遠遊子所以悲滯淫一為浮雲詞憤塞誰能禁馳暉集作歸

百年內惟願展所欽胡為不歸歟坐使年病侵未老霜

遶鬢非狂火燒心太行何艱哉北斗不可斟夜晴星河

出耿耿辰與參佳人負青天尺素重於金次寥羣動異

眇默諸境森苔衣上閑階蜻蛚集作蟋蟀催寒砧立身計幾悞

道險無容針三年不還家萬里遺錦衾夢魂無重阻離

憂因集作同古今胡為不歸歟孤負丘中琴腰下是何物牽

纏曠登尋朝與名山期夕宿楚水陰楚水殊演漾名山



香嶠欽客從洞庭來婉孌瀟湘深橘柚在南國鴻雁遺  
秋音下有碧草洲上有青橘林引燭窺洞穴凌波睥天  
琛蒲荷影參差鳧鶴雜淋泚浩歌惜芳杜散髮輕華簪  
胡爲不歸歟淚下霑衣襟鳶飛戾霄漢螻蟻制鱣鱣赫  
赫大聖朝日月光照臨聖主雖啓迪奇人分堙沈層城  
發集作登雲韶玉集作王府鏘球琳鹿鳴志豐草况復虞人箴

同前

李益

女羞夫婿蕩客恥主人賤遭遇同衆流低回愧相見君  
非青銅鏡何事空照面莫以衣上塵不謂心如練人生  
當榮盛待士勿言倦君看白日馳何異弦上箭

壯士吟

賈島

壯士不曾悲悲即無回期如何易水上未歌先淚垂

壯士行

劉禹錫

陰風振寒郊猛虎正咆哮徐行出燒地連吼入黃茆壯  
士走馬去鐙前彎玉弣叱之使人立一發如鉞交悍睛  
忽星墜飛血濺林梢彪炳為我席羶腥充我庖里中欣  
害除賀酒紛號集作明日長橋上傾城看斬蛟

同前

鮑溶

西方太白高壯士羞病死心知報恩處對酒歌易水砂  
鴻嗥天末橫劒別妻子蘇武執節歸班超束書起山河  
不足重重在遇知己

同前

施肩吾

一斗之膽撐臟腑如磔之筋礙臂骨有時誤入千人叢  
自覺一身橫突兀當今四海無煙塵胸襟被壓不得伸  
凍臬殘蠱我不取汙我匣裏青蛇鱗

浩歌

李賀

南風吹山作平地帝遣天吳移海水玉母桃花千遍紅  
彭祖巫咸幾回死青毛驄馬參差錢嬌春楊柳含細一作細

煙箏人勸我金屈卮神血未凝身問誰不須浪飲一作亂舞丁

督護世上英雄本無主買絲繡作平原君有酒惟澆趙  
州土漏催水咽玉蟾蜍衛娘髮薄不勝梳看一作羞見秋眉

換深集作新綠二十男兒那刺促

浩歌行

白居易

天長地久無終畢昨夜今朝又明日鬢髮蒼浪牙齒疎  
不覺身年四十七前去五十有幾年把鏡照面心茫然  
既無長繩繫白日又無大藥駐朱顏朱顏日漸不如故  
青史功名在何處欲留年少待富貴富貴不來年少去  
去復去兮如長河東流赴海無迴波賢愚貴賤同歸盡  
北邙塚墓高嗟峨古來一作今如此非獨我未死有酒且酣  
歌顏回短命伯夷餓我今所得亦已多功名富貴須待  
命命若不來知一作爭奈何

歸去來引

張熾

歸去來歸期不可違相見故明月浮雲共我歸

麗人曲

崔國輔

紅顏稱絕代，欲並真無侶。獨有鏡中人，由來自相許。

麗人行 杜甫

三月三日天氣新，長安水邊多麗人。態濃意遠淑且真，

肌理細膩骨肉勻。繡一作畫羅衣裳照暮春，蹙金孔雀銀麒麟。

麟頭上何所有，翠微一作為鬋一作鬋葉垂鬢。脣背後何所見，珠

壓腰極穩稱身就。中雲幕椒房親，賜名大國號。與秦紫

駝之峰一作珍出翠釜，水晶之盤行。素鱗犀筋厭，飲久未下

鸞刀縷。切空紛綸黃門飛鞚，不動塵。御廚絲絡一作駱驛送八

珍，簫鼓一作管哀吟感鬼神。賓從雜遝實要津，後來鞍馬何

逡巡。當軒一作道下馬入錦茵，楊花雪落覆白蘋。青鳥飛去

銜紅巾，炙手可熱勢一作世絕倫。慎莫近一作向前丞相嗔。

東飛伯勞歌

張東之

青田白鶴丹山鳳  
婺女姮娥兩相送  
誰家絕世綺帳前  
艷粉芳脂映寶鈿  
窈窕玉堂褰翠幕  
參差繡戶懸珠箔  
絕世三五愛紅妝  
冶袖長裾蘭麝香  
春去花枝俄易改  
可歎年光不相待

同前

李嶠

傳書青鳥迎簫鳳  
巫嶺荆臺數通夢  
誰家窈窕住園樓  
五馬千金照陌頭  
羅裙一作玉佩當軒出  
點翠施紅競春  
日佳人二八盛  
舞歌羞將百萬呈  
雙娥庭前芳樹  
朝夕改空駐妍華  
欲誰待

同前

李嶠

秦王龍劔燕后琴珊瑚寶匣鏤雙心誰家女兒抱香枕  
開衾滅燭願侍寢瓊窗半上金縷幃輕羅隱集作面不障  
遮羞青綺幃中坐相憶紅羅鏡裏見愁色簷花照月鶯  
對棲空將可憐暗中啼

鳴雁行

李白

胡雁鳴辭燕山昨發委羽朝度關一一銜蘆枝南飛散  
落天地間連行接翼往復還客居煙波寄湘吳凌霜觸  
雪毛體枯畏逢矰繳驚相呼聞弦虛墜良可吁君更彈  
射何爲乎

同前

韓愈

嗷嗷鳴雁鳴且飛窮秋南去春北歸去寒就暖識所處

一作依天長地闊棲息稀風霜酸苦稻梁微羽毛摧落身不

肥徘徊反顧羣侶違哀鳴欲下洲一作淵渚非江南水闊朝

一作朝雲多草長沙軟無網羅閒飛靜集鳴相和違憂懷息

一作惠性匪他凌風一舉君謂何

同前 鮑溶

七月朔方雁心苦聯影翻空落南土八月江南陰復晴

浮雲繞天難夜行羽翼勞痛心虛驚一聲相呼百處鳴

楚童夜宿煙波側沙上布羅連草色月闌風悲欲下天

不知何處容棲息楚童胡為傷我神爾不曾作遠行人

江南羽族本不少寧得網羅此客鳥

同前 陸龜蒙



朔風動地來吹起沙上聲  
閨中有邊思玉筋此時橫  
莫怕兒女恨主人烹不鳴

空城雀

李白

嗷嗷空城雀身計何戚促  
本與鷓鴣羣不隨鳳凰族  
提攜四黃口飲乳未嘗足  
食君糠粃餘常恐烏鳶逐  
恥涉太行險羞營覆車粟  
天命有定端守分絕所欲

同前

王建

空城雀何不飛來人家住  
空城無人種禾黍土間生子  
草間長滿地蓬蒿幸無主  
近村雖有高樹枝雨中無食  
長苦飢八月小兒挾弓箭  
家家畏我集作向田頭飛  
但能不出空城裏  
秋時百草皆有子  
黃口集作報言莫啾啾  
長爾

得成無橫死

同前

聶夷中

一雀入官倉所食能損幾所慮往損頻官倉乃害爾魚  
網不在天鳥網不在水飲啄要自然何必空城裏

同前

劉駕

飢啄空城土莫近太倉粟一粒未充腸却入公子腹且  
弔城上骨幾曾害爾族不聞莊辛語今日寒蕪綠

車遙遙

孟郊

路喜到江盡江上又通舟舟車兩無阻何處不得遊丈  
夫四方志女子安可留郎自別日言無令生遠愁旅雁  
忽叫月斷猿寒啼秋此夕夢君夢君在百城樓寄淚無

因波寄恨無因轉願為馭者手與郎迴馬頭

同前

張籍

征人遙遙出古城雙輪齊動馬鳴山川無處無集作不歸  
路念君長作萬里行野田人稀秋草綠日暮放馬車中  
宿驚麕遊兔在我傍獨唱鄉歌對僮僕君家大宅鳳城  
隅年年道上隨行車願為玉鑾繫華軼終日有聲在君  
側門前舊轍久已平無由復得君消息

同前

張籍

東方曨曨車軋軋地色不分新去轍閨門半掩牀集作窗半  
空斑斑枕花殘淚紅君心若車千萬轉妾身如轍遺漸  
遠碧川迢迢山宛宛馬蹄在耳輪在眼桑間女兒情不

淺莫道野蠶能作繭

同前 胡曾

自從車馬出門朝  
便入空房守寂寥  
玉枕夜殘魚信絕  
金鈿秋盡雁書遙  
臉邊楚雨臨風落  
頭上春雲向日銷  
芳草又衰還不至  
碧天霜冷轉無憀

自君之出矣

辛弘智

自君之出矣  
梁塵靜不飛  
思君如滿月  
夜夜減容暉

同前 李康成

自君之出矣  
弦吹絕無聲  
思君如百草  
撩亂逐春生

同前 盧仝

自君之出矣  
壁上蜘蛛織  
近取見妾心  
夜夜無休息  
妾

有雙玉環寄君表相憶環是妾之心玉是君之德馳情  
增悴容蓄思損精力玉簾寒悽悽延想心惻惻風含霜  
月明水泛碧天色此水有盡時此情無終極

同前

瘳裕之

自君之出矣寶鏡爲誰明思君如隴水長聞嗚咽聲

同前

張祐

自君之出矣萬物看成古千尋葦蘆枝爭奈長長苦

長相思

郎大家宋氏

長相思久離別關山阻風煙絕臺上鏡文銷袖中書字  
滅不見君形影何曾有懽悅

同前

蘇頌

君不見天津橋下東流水東望龍門北朝市楊柳青青  
宛地垂桃紅李白花參差花參差柳堪結此時憶君心  
斷絕

同前三首

李白

長相思在長安絡緯秋啼金井欄微霜淒淒簾色寒孤  
燈不明思欲絕卷帷望月空長歎美人如花

一作佳  
期迢迢

隔雲

端上有青冥之長天下有綠水之波瀾天長路遠魂飛

苦夢魂不到關山難長相思摧心肝

日色已盡花含煙月明欲素愁不眠趙瑟初停鳳凰柱  
蜀琴欲奏鴛鴦弦此曲有意無人傳願隨春風寄燕然  
憶君迢迢隔青天昔日橫波目今成流淚泉不信妾腸

斷歸來看取明鏡前

美人在時花滿堂  
美人去後花餘牀  
牀中繡被卷不寢  
至今三載猶聞香  
香亦竟不滅  
人亦竟不來  
相思黃葉落  
白露點青苔

同前

張繼

遼陽望河縣白首無由

一作人

見海上珊瑚枝  
年年寄春燕

同前二首

令狐楚

君行登隴上  
妾夢在閨中  
玉筯千行落  
銀牀一半空  
綺席春眠覺  
紗窗曉望迷  
朦朧殘夢裏  
猶自在遼西

同前

白居易

九月西風興  
月冷霜

一作露

華凝思君秋夜長  
一夜魂九升

二月東風來草坂花心開思君春日遲一日陽九迴妾  
住洛橋北君住洛橋南十五即相識今年二十三有如  
女蘿草生在松之側蔓短枝苦高縈迴上不得人言人  
有願願至天必成願作遠方獸步步比肩行願作深山  
木枝枝連理生

千里思

李白

李陵沒胡沙蘇武還漢家迢迢五原關朔雪亂邊

一作愁  
見雪如

花一去隔絕域

集作  
國

思歸但長嗟鴻雁向西北飛

一作

書報

天涯

同前

李端

涼州風月美遙望居延路泛泛下天雲青青綠塞樹燕



山蘇武上海島田橫住更是草生時行人出門去

行路難 盧照鄰

君不見長安城北渭橋邊枯木橫槎臥古田昔日含紅  
復含紫常時留霧亦留煙春景春風花似雪香車玉輦  
恒闐咽若箇遊人不競攀若箇倡家不來折倡家寶袂  
蛟龍帔公子銀鞍千萬騎黃鶯一向花嬌春 集作二  
向花嬌 兩兩

三三

集作青  
鳥雙雙

將子戲千尺長條百尺枝丹

集作

桂青

集作

榆相

蔽虧珊瑚葉上鴛鴦鳥鳳凰巢裏雛鷓兒巢傾枝折鳳  
歸去條枯葉落狂 集作  
任 風吹一朝零落無人問萬古摧殘

君詎知人生貴賤無終始倏忽須臾難久恃誰家能駐  
西山日誰家能堰東流水漢家陵樹滿秦川行來行去

盡哀憐自昔公卿二千石咸擬榮華一萬年不見朱脣  
將白貌惟聞素棘與黃泉金貂有時須換酒玉麈但搖  
莫計錢寄言坐客神仙署一生一死交情處蒼龍闕下  
君不來白鶴山前我應去雲間海上邈難期赤心會合  
在何時但願堯年一百萬長作一作與巢由也不辭

同前

張紘

君不見温家玉鏡臺提攜抱握九重來君不見相如綠  
綺琴一撫一拍鳳凰音人生意氣須及早莫負當年行  
樂心荆王奏曲楚妃歎曲盡歡終夜將半朱樓銀閣正  
平生碧草青苔坐蕪漫當春對酒不須疑視目相看能  
幾時春風吹盡燕初至此時自謂稱君意秋露萎草鴻

始歸此時衰暮與君違  
人生翻覆何常足誰保容顏無  
是非

同前五首

賀蘭進明

君不見岳下井百尺不及泉  
君不見山上蒿集作苗數寸凌

雲煙人生相集作賦命亦如此何苦太息自憂煎  
但願親友

長含笑相逢莫吝集作不吝杖頭錢  
寒夜邀歡須秉燭豈得空

集作常思花柳年

君不見門前柳榮曜暫時蕭索久  
君不見陌上花狂風

吹去落誰家誰集作鄰家思婦見之歎蓬首  
不梳心歷亂盛

年夫壻長別離歲暮相逢色凋集作已換

君不見荒集作芳樹枝春花  
落盡蜂不窺君不見梁上泥秋

風始高燕不棲蕩子從軍事征戰蛾眉嬋娟空守閨獨  
宿自然堪下淚况復時聞烏夜啼

君不見雲間一作月暫盈還復缺君不見林下風聲遠意

難窮親故平生欲聚散歡娛未盡尊酒空自歎青青陵  
上柏歲寒能與幾人同

君不見東流水一去無窮已君不見西郊雲日夕空氛  
氲羣雁裴回不能去一雁悲鳴復失羣人生結交在終  
始莫爲集作升沈中路分

同前 崔顥

君不見建章宮中金明枝萬萬長條拂地垂二月三月  
花如霰九重幽深君不見艷彩朝含四寶宮香風吹集作

入朝雲殿漢家宮女春未闌愛此芳香朝暮看看去  
來心不忘攀折將安鏡臺上雙雙素手剪不成兩兩紅  
妝笑相向建章昨夜起春風一花飛落長信宮長信麗  
人見花泣憶此珍樹何嗟及我昔初在昭陽時朝折  
暮折登玉墀祇言歲歲長相對不寤今朝遙相思

同前三首

李白

金尊清酒斗十千玉盤珍羞直萬錢停杯投筋不能食  
拔劍四顧心茫然欲渡黃河冰塞川將登太行雪暗天  
集作閑來垂釣坐集作溪上忽復乘舟夢日邊行路難行路  
滿山難多岐路今安在長風破浪會有時直挂雲帆濟滄海  
大道如青天我獨不得出羞逐長安社中兒赤雞白狗

一作賭梨栗彈劒作歌奏苦聲曳裾王門不稱情淮陰市

井笑韓信漢朝公卿一作侯忌賈生君不見昔時燕家重郭

隗擁篲折腰一作節無嫌猜劇辛樂毅感恩分輸肝剖一作割膽

效英才昭王白骨紫蔓集作爛草誰人更掃黃金臺行路難

歸去來

有耳莫洗潁川水有口莫食首陽蕨含光混世貴無名

何用孤高比雲月吾觀自古賢達人功成不退皆殞身

子胥既棄吳江上屈原終投湘水濱陸機才多集作雄才豈自

保李斯稅駕苦不早華亭鶴唳詎可聞上蔡蒼鷹何足

道君不見吳中張翰稱一作真達士集作生秋風忽憶江東行且

樂生前一杯酒何須身後千載名

同前三首 顧况

君不見古來集作人燒水銀變作北邙山上塵藕絲掛身在

虛空集作在虛空中欲落不落愁殺人睢水英雄多血刃建章宮

闕成灰集作煨燼淮王身死桂枝集作樹折徐氏集作福一去音書絕

行路難行路難生死皆由天秦皇漢武遭下集作不脫汝獨

何人學神仙

君不見擔雪塞井徒集作空用力炊砂作飯豈堪喫集作食一生

肝膽向人盡相識不如不相識冬青樹上挂凌霄歲宴

花凋樹不凋凡物各自有根本種禾終不生豆苗行路

難行路難何處是平道中心無事當富貴今日覺集作看君

顏色好

君不見少年頭上如雲髮少壯如雲老如雪豈知灌頂  
有醍醐能使清涼頭不熱呂梁之水挂飛流鼃鼃蛟蜃  
不敢游少年恃險若平地獨倚長劒凌清秋行路難行  
路難昔少年今已老前朝竹帛事皆空日暮牛羊古城  
草

同前

李頎

漢家名臣楊德祖四代五公享茅土父兄子弟

集作父  
子兄弟綰

銀黃躍馬鳴珂朝建章火浣單衣繡方領茱萸錦帶玉  
盤囊賓客填街復滿坐片言出口生輝光世人逐勢爭  
奔走瀝膽隳肝惟恐後當時一顧生青雲自謂生死長  
隨君一朝謝病還鄉里窮巷蒼茫絕知己秋風落葉閉



重門昨日論文竟誰是薄俗嗟嗟難重陳深山麋鹿下  
鄰魯連所以蹈滄海古往今來稱達人

同前二首 高適

君不見富家翁昔時貧賤誰比數一朝金多結豪貴萬

事勝人健如虎子孫成長集作滿眼前妻能一作管弦妾能

舞自矜一朝集作忽如此却笑傍人獨悲一作苦東鄰少年

安所如席門窮巷出無車有才不肯學干謁何用年年

空讀書

長安少年不少錢能騎駿馬鳴金鞭五侯相逢大道邊

美人弦管爭留連黃金如斗不敢惜片言如山莫棄捐

安知顛顛讀書者暮宿虛集作臺私自憐

同前 張籍

湘東行人長歎息十年離家歸未得弊裘羸馬苦難行  
僮僕飢寒少筋力君不見牀頭黃金盡壯士無顏色龍  
蟠泥中未有雲不能生彼升天翼

同前

聶夷中

莫言行路難夷狄如中國謂言骨肉親中門如異域出  
處全在入路亦無通塞門前兩條轍何處去不得

同前

韋應物

荆山之白玉兮良工雕琢雙環連月蝕中央鏡心穿故  
人贈妾初相結恩在環中尋不絕人情厚薄苦須臾昔  
似連環今似玦連環可碎不可離如何物在人自移上

客勿遽歡聽妾歌路難傍人見環環可憐不知中有長  
恨端

同前三首

柳宗元

君不見夸父逐日窺虞淵跳踉北海超崑崙披霄決漢  
出沆漭瞥裂左右遺星辰須臾力盡道渴死孤鼠蜂蟻  
爭噬吞北方淨人長九寸開口抵掌更笑喧啾啾飲食  
滴與粒生死亦足終天年睢盱大志少成遂坐使兒女  
相悲憐

虞衡斤斧羅千山工命采斫棧與椽深林土翦十取一  
百牛連鞅摧雙轅萬圍千尋妨道路東西蹶倒山火焚  
遺餘毫末不見保躑躅磽壑何當存羣材未成質已天

突兀崿豁空巖巒柏梁天災武庫火匠石狼顧相愁冤  
君不見南山棟梁益稀少愛材養育誰復論

飛雪斷道冰成梁侯家熾炭雕玉房蟠龍吐耀虎喙張  
熊蹲豹擲爭低昂攢巒叢嶸射朱光丹霞翠霧飄奇香  
美人四向迴明璫雪山冰谷晞太陽星躔奔走不得止  
奄忽雙燕棲虹梁風臺露榭生光飾死灰棄置參與商  
盛時一去貴反賤桃笙葵扇安可常

集作  
常

蘇不具同前

鮑溶

玉堂向夕如無人絲竹儼然宮商死細人何言入君耳  
塵生金尊酒如水君今不念歲蹉跎雁天明明涼露多  
華燈青疑久照夜綵童窈窕虛垂羅入宮見妬君不察

莫入此地出風波此時不樂早休息女顏易老君如何

同前五首

備貫休

不會當時

一作初

作天地剛有多般愚與智到頭還用真宰

心何如上下皆清氣大道冥冥不知處那堪頓得義和

轡義不義分仁不仁擬學長生更容易負心為爐復為

火緣木求魚應且止君不見燒金煉石古帝王鬼火熒

熒白楊裏

君不見道傍廢井生古木本是驕奢貴人屋幾度美人

照影來素縷銀餅濯纖玉雲飛雨散今如此繡闥雕甍

作荒谷沸渭笙歌君莫誇不應長是西家哭休說遺編

行者幾至竟終須合天理敗他成此亦何功蘇張終作

多言鬼行路難行路難不在羊腸裏  
九有茫茫共堯日浪死虛生亦非一  
清淨玄音竟不聞  
花眼酒腸暗如漆或偶因片言隻字登第光  
二親又  
不能獻可替不航要津口談羲軒與周孔履行不及屠沽  
人行路難行路難日暮途遠空悲歎

君不見道傍樹有寄生枝青青鬱鬱同榮衰無情之物  
尚如此爲人不及還堪悲父歸墳兮未朝夕已分黃金  
爭田宅高堂老母頭似霜心作數支淚常滴我聞忽如  
負芒刺不獨爲君空歎息古人尺布猶可縫潯陽義犬  
令人憶寄言世上爲人子孝義團圓莫如此若如此不  
遑死兮更何俟

君不見山高海深人不測古往今來轉青碧淺近輕浮  
莫與交池一作地卑只解生荆棘誰道黃金如糞土張耳陳  
餘斷消息行路難行路難君自看

同前二首

僧齊已

行路難君好看驚波不在黥黥間小人心裏藏奔湍七  
盤九折寒嶒崿翻車倒蓋猶堪出未似是非脣舌危閭  
中潛毀平人骨君不見楚靈均千古沈冤湘水濱又不  
見李太白一朝却作江南客

下浸與高盤不爲行路難是非真險惡翻覆作峰巒漆  
媿同時黑朱慚巧處丹令人畏相識欲畫白雲看

同前

翁綬

行路艱難不復歌故人榮達我蹉跎雙輪晚上銅梁一作臺  
雪一葉春浮瘴海波自古要津皆若此方今失路欲如  
何君看西漢翟丞相鳳沼朝辭暮雀羅

眼李大同前

薛能

何處力堪殫人心險萬端藏山難測度暗水自波瀾對  
面如千里迴腸似七盤已經吳坂困欲向鴈門難南北  
誠須泣高深不可干無因善行止車轍得平安

從軍中行路難二首

駱賓王

君不見封狐雄虺自成羣馮深負固結妖氛玉璽分兵  
徵惡少金壇受律動將軍將軍擁旄宣廟略戰士橫行  
靜夷落長驅一息背銅梁直指三巴逾劔閣閣道峒堯



上集作起戍樓劔門遙裔俯靈丘  
卽關九折無平路江水雙

源有急流征役無期返他鄉  
歲華晚杳杳丘陵出蒼蒼  
林薄遠途危紫蓋峰路澀  
青泥坂去去指哀牢行行入  
不毛絕僻千里險連山四望  
高中外分區宇夷夏殊風  
土交趾枕南荒昆彌臨北戶  
川源饒毒霧溪谷多淫雨  
行潦四時流崩查千歲古漂  
梗飛蓬不自安捫藤引葛  
度危巒昔時聞道從軍樂  
今日方知行路難蒼江綠水  
東流駛炎洲丹徼南中地  
南中南斗映星河秦川秦塞  
阻煙波三春邊地風光少  
五月瀘中瘴癘多朝驅疲斥  
候夕息倦誰何向月彎繁  
弱連星轉太阿重義輕生懷  
一顧東伐西征凡幾度  
夜夜朝朝斑鬢新年年歲歲戎

衣故灞城隅滇池水天涯望轉積地際行無已徒覺炎

涼節物非不知關山千萬里棄置勿重陳重陳集作延行多苦

辛且悅清笳楊柳曲詎憶芳園桃李人絳節朱旗分白

羽丹心白刃酬明主但令一技集作君王識誰憚三邊征

戰苦行路難行路難岐路集無此幾千端無復歸雲馮短

翰望日想長安集無此古器歎深蓋不自交附類

君不見玉關塵色暗邊亭銅鞮雜虜寇長城天子按劍

徵餘勇將軍受服事橫行七德龍韜開玉帳千里鼙鼓

疊金鉦陰山苦霧埋高壘交河孤月照連營連營去去

無窮極擁旆遙遙過絕國陣雲朝結晦天山寒沙夕漲

迷疎勒龍鱗水正開魚貫馬首山前振鷗翼長驅萬里

驚初連分麾三命武功宣百發烏號遙碎柳七尺龍文  
迴照蓮春來秋去移灰瑄蘭閨柳市芳塵斷鴈門迢遶  
尺書稀鴛被相思雙帶緩行路難集重行路難三字誓令氛祲靜  
臯蘭但使封侯龍額貴詎隨中婦鳳樓寒

變行路難

王昌齡

向晚橫吹悲風動馬嘶合前驅引旗節千里陣雲布單  
于下陰山砂礫空颯颯封侯取一戰豈復念閨閤

山不刺山極巖空巖巖桂封双一輝豈好念聞聞

回鐘山如雲風煙黑合宿驛何敢噴十里朝雲重翠

夢詩初賦

五原

平曠呼如佳會指其其特箇中說風對來

八世何當期用思變思為詩初賦也

三三三三來林去對來詩賦賦賦賦賦賦賦賦賦賦賦

詩賦賦賦賦賦賦賦賦賦賦賦賦賦賦賦賦賦賦賦賦賦

全唐詩

雜曲歌辭

古別離 沈佺期

白水東悠悠中有西行舟  
舟行有返棹水去無還流  
奈何生別者戚戚懷遠遊  
遠遊誰當惜所悲會難收  
自君 集作 芳躡青陽四五道  
皓月掩蘭室光風虛蕙樓  
相思無明晦長歎累冬秋  
離居分邊暮高駕何淹留

同前 孟雲卿

朝日上高臺離人怨秋草  
但見萬里天不見萬里道  
君行本遙 集作 遠苦樂良難  
保宿昔夢同衾憂心夢顛  
倒 集作 含酸欲誰訴  
轉轉傷懷抱結髮年已遲  
征行去何早寒

暄有時謝顛顛難再好人皆算年壽死者何曾老少壯  
無見期水深風浩浩

同前

李益

雙劍欲別風一作悽然雌沈水底雄上天江迴漢轉兩不  
見雲交雨合知何年古來萬事皆由命何用臨岐苦涕  
漣

同前二首

于濇

入室少情意出門多路岐黃鶴有歸日蕩子無還時人  
誰無分命妾身何太奇君爲東南風妾作西北枝青樓  
鄰里婦終年畫長眉自倚對良匹笑妾空羅幃

郎本東家兒妾本西家女對門中道間終謂無離阻豈

知中道間遣作空閨主自是愛封侯非關備胡虜知子  
去從軍何處無良人

同前二首

李端

水國葉黃時洞庭霜落夜行舟聞商估宿在楓林下此  
地送君還茫茫似夢間後期知幾日前路轉多山巫峽  
通湘浦迢迢隔雲雨天晴見海檣月落聞津鼓人老自  
多愁水深難急流清宵歌一曲白首對汀洲

與君桂陽別令君岳陽待後事忽差池前期日空在木  
落鴈嗷嗷洞庭波浪高遠山雲似蓋極浦樹如毫朝發  
能幾里暮來風又起如何兩處愁皆在孤舟裏昨夜天  
月明長川寒且清菊花開欲盡薺菜拍一作來生下江帆

勢速五兩遙相逐欲問去時人知投何處宿空令爰嘯

時泣對湘潭集作竹

同前十續

下階欲離別相對映蘭叢含辭未及吐淚落蘭叢中高  
堂靜秋日羅衣飄暮風誰能待明月迴首見牀空

同前僧皎然

太湖三山口吳王在時道寂寞千載心無人見春草誰

堪集作識緘怨者持此傷懷抱孤舟畏狂風一點宿煙島望

所思兮若何月蕩漾兮空波雲離離兮北斷鴈集作鳴眇眇

兮南多身去兮天畔心折兮湖岸春山胡為兮塞路使

我歸夢兮撩亂



同前 韻夾中

欲別牽郎衣問郎遊何處不恨歸日遲莫向臨邛去

同前二首 施有音

古人謾歌西飛燕十年不見狂夫面三更風作切夢刀  
萬轉愁成繫腸線所嗟不及牛女星一年一度得相見  
老母別愛子少妻送征郎血流既四面乃亦斷二腸不  
愁寒無衣不怕飢無糧惟恐征戰不還鄉母化爲鬼妻  
爲孀

同前 吳融

紫燕集作鸞黃鶻雖別離一舉千里何難追猶聞帝風與叫  
月流連斷續令人悲賦情更有深繾綣碧甃千尋尚爲

淺蟾蜍正向清夜流  
蛺蝶須教隨絲罥  
莫道斷絲不可續  
丹穴鳳皇膠不遠  
草草通流水不迴  
集作莫道流水不迴波  
海上兩潮長不返

古離別 王適

昔歲驚楊柳高樓悲獨守  
今年芳樹枝孤棲  
怨別離珠簾晝不卷  
羅幔曉長垂  
苦調琴先覺  
愁容鏡獨知  
頻來鴈度無消息  
罷去集作却鴛文何用織  
夜還羅帳空有情  
春著裙腰自無力  
青軒桃李落紛紛  
紫庭蘭蕙日氛氳  
已能顛顛今如此  
更復含情一待君

同前 常理

君御狐白裘  
妾居紺綺幃  
粟鈿金夾膝  
花錯玉搔頭  
離

別生庭草征行斷  
戍樓蠨蛸網清曙  
莖苔落紅秋小膽  
空房怯長眉滿鏡  
愁爲傳兒女意不  
用遠封侯

同前

姚係

涼風已嫋嫋  
露重木蘭枝  
獨上高樓望  
行人遠不知  
輕寒入洞戶  
明月滿秋池  
燕去鴻方至  
年年是別離

同前

張彪

離別無遠近  
事歡情亦悲  
不聞車輪聲  
後會將何時  
去日忘寄書  
來日乖前期  
縱知明當還  
一夕千萬思

同前

趙微明

違集作爲別未幾日  
一日如三秋  
猶疑望可見  
日日上高樓  
惟見分手處  
白蘋滿芳洲  
寸心寧死別  
不忍生離愁

同前二首 五五知

松山雲繚繞萍路水分離雲去有歸日水分無合時春  
芳役雙眼春色柔四支楊柳織別愁千條萬條絲

山川古今路縱橫無斷絕來往天地間人皆有離別行  
衣未束帶中腸已先結不用看鏡中自知生白髮欲陳  
去畱意聲向言前咽愁結填心胸茫茫若爲說荒郊煙  
莽蒼曠野風淒切處處得相隨人那不如月

同前 顧況

西江上風動麻姑嫁時浪西山爲水水爲塵不是人間  
離別人

同前

僧賈休

離恨如旨酒古今飲皆醉只恐長江水盡是兒女淚伊  
余非此輩送人空把臂他日再相逢清風動天地

同前

韋莊

晴煙漠漠柳毵毵不那離情酒半酣更把馬鞭雲外指  
斷腸春色在江南

生別離

孟雲卿

結髮生別離相思復相保何知

集作如何

日已久五變庭中草

眇眇天海途悠悠吳江島但恐不出門出門無遠道遠  
道行既難家貧衣服單嚴風吹積雪晨起鼻何酸人生  
各有戀一作志豈不懷所安分明天上日生死誓集作願同歡

同前

白居易

食藥不易食梅難藥能苦兮梅能酸未如生別之爲難  
苦在心兮酸在肝晨雞載鳴殘月沒征馬重一作連嘶行人  
出迴看骨肉哭一聲梅酸藥苦甘如蜜黃河水白黃雲  
秋行人河邊相對愁天寒野曠何處宿棠梨葉戰風颼  
颼生離別生離別憂從中來無斷絕憂積一作極心勞血氣  
衰末年三十生白髮

遠別離 李白

遠別離古有皇英之二女乃在洞庭之南瀟湘之浦海  
水直下萬里深誰人不言此離苦日慘慘兮雲冥冥猩  
猩啼煙兮鬼嘯雨我縱言之將何補皇穹竊恐不照余  
之忠誠雷馮馮兮欲吼怒堯舜當之亦禪禹君失臣兮

龍爲魚權歸臣兮鼠變虎或云集作堯出囚野死九疑

聯縣皆相似重瞳孤墳竟何是帝子泣兮綠雲間隨風

波兮去無還慟哭兮遠望見蒼梧之深山蒼梧山崩湘

水絕竹上之淚乃可滅

同前

蓮葉團團杏花拆長江鯉魚鰭鬣赤念君少年棄親戚  
千里萬里獨爲客誰言遠別心不易天星墜地能爲石  
幾時斷得城南陌勿使居人有行役

同前二首

令狐楚

楊柳黃金穗梧桐碧玉枝春來消息斷早晚是歸時集作

玳織鴛鴦履金裝翡翠簪畏人相問著集作不擬到城南

久別離 李白

別來幾春未還家  
玉窗五見櫻桃花  
況有錦字書開緘  
使人嗟至此腸斷  
彼心絕雲鬢綠一作霧  
鬢罷攬一作梳結愁如  
迴颺亂白雲  
去年寄書報陽臺  
今年寄書重相催  
胡為東風集作東風  
今東風為我吹行雲  
使西來待來竟不來  
落花寂寞

寂寞一作冥委青苔

新別離 戴叔倫

手把杏花枝  
未曾別離黃昏掩閨後  
寂寞自心集作心自知

今別離 崔國輔

送別未能旋相望  
連水口船行欲映洲  
幾度急揺手

暗別離 劉氏瑤



槐花結子桐葉焦單飛越鳥嗥青霄翠軒輾雲輕遙遙  
燕脂淚迸紅線條瑤草歇芳心耿耿玉佩無聲畫屏冷  
朱弦暗斷不見人風動花枝月中影青鸞脈脈西飛去  
海闊天高不知處

潛別離

白居易

不得哭潛別離不得語暗相思兩心之外無人知深籠  
夜瑣獨棲鳥利劍春斷連理枝河水雖濁有清日烏頭  
雖黑有白時惟有潛離與暗別彼此甘心無後期

別離曲

張籍

行人結束出門去馬蹏幾時踏門路  
集作幾時更踏門前路憶昔君初  
納綵時不言身屬遼陽戍早知今日當別離成君家計

良爲誰男兒生身自有役那得悞我少年時不如逐君  
征戰死誰能獨老空閨裏

同前 陸龜蒙

丈夫非無淚不灑離別間仗劍對尊酒恥爲游子顏蝮  
蛇一螫手壯士疾集作即解腕所思在功名離別何足歎

西洲曲

溫庭鈞  
一作西州詞

悠悠復悠悠昨日下西洲西洲風色好遙見武昌樓武  
昌何鬱鬱儂家定無匹小婦被流黃登樓撫瑤瑟朱弦  
繁復輕素手直淒清一彈三四解掩抑似含情南樓登  
且望西江廣復平艇子搖兩槳催過石頭城門前烏白  
樹慘澹天將曙鷓鴣一作鷓鴣飛復還郎隨早帆去迴頭語同

伴定復負情儂去帆不安幅作抵使西風他日相尋索  
莫作西洲客西洲人不歸春草年年碧

荊州樂

李白

白帝城邊足風波瞿塘五月誰敢過荊州麥熟繭成蛾  
縹絲憶君頭緒多撥穀飛鳴奈妾何

同前二首

劉禹錫

渚宮楊柳暗麥城朝雉飛可憐踏青伴乘暖著輕衣  
今日好南風商旅相催發沙頭檣竿上始見春江闊

荊州泊

李端

南樓西下時月裏聞來棹桂水舳舻回荊州津濟鬧移  
帷望星漢引帶思容貌今夜一江人惟應妾身覺

紀南歌 劉禹錫

風煙紀南城塵土荆門路天寒獵獸者 一作多 走上樊姬

墓

宜城歌 劉禹錫

野水遶空城行塵起孤驛花 集作荒 臺側生樹 集作柏 石碣陽鐫

額靡靡度行人溫風吹宿麥

長干曲四首 崔顥

君家定何處 集作何處住 妾住在橫塘停舟暫借問或恐是同

鄉

家臨九江水去來九江側同是長干人生小不相識

下渚多風浪蓮舟漸覺稀那能不相待獨自逆潮歸

二江潮水急五湖風浪湧由來花性輕莫畏蓮舟重

長干行二首

李白

妾髮初覆額折花門前劇郎騎竹馬來遶牀弄青梅同

居長千里雨小無嫌猜十四爲君婦羞顏尚不一作未嘗開低

頭向暗壁千喚不一迴十五始展眉願同塵與灰常存

抱柱信豈一作恥上望夫臺十六君遠行瞿塘灘預堆五月

不可觸猿鳴一作聲天上哀門前遲一作舊行跡一一生綠苔苔

深不能掃落葉秋風早八月蝴蝶來雙飛西園草感此

傷妾心坐愁紅顏老早晚下三巴預將書報家相迎不

道遠直至長風沙

憶妾一作昔深閨裏煙塵不曾識嫁與長干人沙頭候風色

五月南風興思君在一作巴陵八月西風起想君發揚子  
去來悲如何見少別離多湘潭幾日到妾夢越風波昨  
夜狂風度吹折江頭樹森森暗無邊行人在何處北客  
眞王公朱衣滿江中日暮來投宿數朝不甯東焦無此四句好  
乘浮雲驄佳期蘭渚東鴛鴦綠浦上翡翠錦屏中自憐  
十五餘顏色桃李紅那作商人婦愁水復愁風

同前

張潮

八

婿貧如珠玉婿富如埃塵貧時不忘舊富貴集作多寵新

妾本富家女與君爲偶匹惠好一何深中門不曾出妾

有繡衣裳葳蕤金縷光念君貧且賤易此從遠方遠方

二千里發去悔不已集作思君心未已日暮情更來空望去時水孟

夏麥始秀江上多南風商賈歸欲盡君今尚巴東巴東  
有巫山窈窕神女顏常恐遊此山集作果然不知還

小長干曲

崔國輔

月暗送湖

集作

風相尋路不通菱歌唱不輟知在此塘中

杞梁妻

僧貫休

秦之無道兮四海枯築長城兮遮北胡築人築土一萬  
里杞梁貞婦嗚嗚上無父兮中無夫下無子兮孤復  
孤一號城崩塞色苦再號杞梁骨出土疲魂飢魄相逐  
歸陌上少年莫相非

盧女曲

崔顥

二月春來半宮中日漸長柳垂金屋暖花覆集作玉樓香

拂匣先臨鏡調笙更炙簧還將盧女曲

集作歌  
無態

夜夜

集作

奉

君王

盧姬篇

崔顥

盧姬小

集作少

小魏王家綠鬢紅脣桃李花魏王綺樓十二

重水精簾箔繡芙蓉白玉闌千金作柱樓上朝朝學歌

舞前堂後堂羅袖人南窗北窗花發春翠幌珠簾鬪弦

集作絲

管一奏一彈雲欲斷君王日晚下朝歸鳴環佩玉生

光輝人生今日得驕集作嬌貴誰道盧姬身細微

邯鄲才人嫁為所養卒婦

李白

妾本叢臺女揚蛾入丹闕自倚顏如花寧知有凋歇

辭玉階下去若朝雲沒每憶邯鄲城深宮夢秋月君王



不可見惆悵至明發

楊白花 柳宗元

楊白花風吹度江水坐令宮樹無顏色  
搖蕩春光千萬里茫茫曉日下長秋  
哀歌未斷城鷓起

茱萸女 萬楚

山陰柳家女九日采茱萸復得東鄰伴  
雙為陌上姝插花向高髻結子置長裾  
作性恒集作常遲緩非關詫丈夫平  
明折林樹集作樾日入反城隅俠客邀羅袖  
行人挑短書蛾眉自有主年少莫踟躕

于闐采花 李白

于闐采花人自言花相似明妃一朝西入胡  
胡中美女

多羞死乃知漢地多名姝胡中無花可方比丹青能令  
醜者妍無鹽翻在深宮裏自古妒蛾眉胡沙埋皓齒

秦女卷衣

李白

天子居未央妾待

一作來

卷衣裳顧無紫宮寵敢拂黃金牀

水至亦不去熊來尚可當微身奉日月飄若螢火

集作

光

願君采葑菲無以下體妨

愛妾換馬

張祐

一面妖桃千里蹠嬌姿駿骨價應齊乍牽玉勒辭金棧  
催整花鈿出繡閨去日豈無霑袂泣歸時還有頓銜嘶  
嬋娟躑躅春風裏揮手搖鞭楊柳堤

綺閣香銷華殿空忍將行雨換追風休憐柳葉雙眉翠

卻愛桃花兩耳紅  
侍宴永辭春色裏  
趨朝休立漏聲中  
恩勞未盡情先盡  
暗泣嘶風兩意同

枯魚過河泣

李白

白龍改常服  
偶被豫且制  
誰使爾爲魚  
徒勞訴天帝  
作書報鯨鯢  
勿恃風濤勢  
濤落歸泥沙  
翻遭螻蟻噬  
萬乘慎出入  
柏人以爲誡

一作識

飲酒樂

蕭夷中  
調曲也

商

日月似有事  
一夜行一周  
草木猶須老  
人生得無愁  
一飲解百結  
再飲破百憂  
白髮欺貧賤  
不入醉人頭  
我願東海水  
盡向杯中流  
安得阮步兵  
同入醉鄉遊

王孫遊

崔國輔

自與王孫別，頻看黃鳥飛。應由春草誤，著處不成歸。

發白馬 李白

將軍發白馬，旌節渡黃河。簫鼓聒川嶽，滄溟湧洪波。  
武安有振瓦，易水無寒歌。鐵騎若雪山，飲流涸滹沱。揚  
兵獵月窟，轉戰畧朝那。倚劍登燕然，邊峰列嵯峨。蕭條  
萬里外，耕作五原多。一掃清大漠，包虎戢金戈。

結韞子 李白

燕南北士吳門豪，筑中置鉛魚隱刀。感君恩重許君命，  
泰山一擲輕鴻毛。

沐浴子 李白

沐芳莫彈冠，浴蘭莫振衣。處世忌太潔，志一作人貴藏輝。

滄浪有釣叟吾與爾同歸

三臺二首

車應物 犬  
寶中別調曲

一年一年老去明日後日花開未報長安平定萬國豈  
得銜杯

冰泮寒塘始綠雨餘百草皆生朝來門閣無事晚下高  
齋有情

上皇三臺

韋應物

不寐倦長更披衣出户行月寒秋竹冷風切夜窗聲

突厥三臺

鴈門山上鴈初飛馬邑關中馬正肥日旰山西逢驛使  
殷勤南北送征衣

宮中三臺二首 王建

魚藻池邊射鴨芙蓉園裏看花日色柘袍相似不著紅  
鸞扇遮

池北池南草綠殿前殿後花紅天子千年萬歲未央明  
月清風

江南三臺四首 王建

揚州橋邊小婦長于市裏商人三集作二年不得消息各  
自拜鬼求神

青草湖邊草色飛猿嶺上猿聲萬里三湘集作三湘客到有風  
有雨人行

樹頭花落花開道上人去人來朝愁暮愁即老百年幾

度三臺

聞身疆

一作康

健且

一作早

為頭白齒落難追擬百年千歲能

得幾許多時

築城曲

張籍

築城曲以小鼓為節築者下杵以和之謂為雅陽曲唐書樂志曰雅陽操用春磬是也

築城去

集作處

千人萬人齊抱

集作把

杵重重土堅試行錐軍吏

執鞭催作遲來時一年深磧裏著盡短衣渴無水力盡

不得拋

一作休

杵聲杵聲未定

集作盡

人皆死家家養男當門戶

今日作君城下土

同前五解

元稹

年年塞下丁長作出塞兵自從冒頓疆宮築遮虜城

一解

築城須努力城高遮得賊但恐賊路多有城遮不得

二解

丁口傳父口莫問城堅不平城被虜圍漢斷城牆走解三

因茲虜請一作請休和虜往騎來多集作過半疑兼半信築城猶嗟

峨四解築城安敢煩願聽丁一言請築鴻臚寺兼愁虜出

關五解

同前陸龜蒙

城上一培土手中千萬杵築城畏不堅堅城在何處莫

歎築城勞集作將軍逼將軍要却敵城高功亦高爾命何處一作足集

勞一作集作惜二首

湖陰曲

温庭筠序曰晉王敦舉兵至湖陰明帝微行視其營伍由是樂府有湖陰曲後其詞亡因作而附之

祖龍黃須珊瑚鞭鐵驄金面青連錢虎髯拔劍欲成夢  
日壓賊營如血鮮海旗風急驚眠起甲重光搖照湖水



蒼黃追騎塵外歸，森索妖星陣前死。  
五陵愁碧春萋萋，灞川玉馬空中嘶。  
羽書如電入青瑣，雪腕如槌催畫鞞。  
白虬天子金煌鍔，高臨帝座迴龍章。  
吳波不動楚山晚，花壓闌干春晝長。

無愁果有愁曲

李商隱無愁曲北齊歌也  
天寶十三載改無愁爲長歡

東有青龍西白虎，中含福皇包世度。  
玉壺渭水笑清潭，鑿天不到牽牛處。  
騏驎踏雲天馬瘠，牛山撼碎珊瑚聲。  
秋娥點滴不成淚，十二玉樓無故釘。  
推煙唾月拋千里，十番紅袖一行死。  
白楊別屋鬼迷人，空畱暗記如蠶紙。  
日暮向風牽短絲，血凝血散今誰是。

起夜來

條有吾

香銷連理帶塵覆合歡杯嬾臥相思枕愁吟起夜來

起夜半聶夷中

念遠心如燒不覺中夜起桃花帶露泛立在月明裏

獨不見沈佺期

盧家小集作少婦鬱金堂海燕雙栖瑋瑁梁九月寒砧催下

葉十年征戍憶遼陽白狼河北音書斷丹鳳城南秋夜

長誰知集作謂含愁獨不見使妾集作更教明月照流黃

同前王訓

日晚宜春暮風軟上林朝對酒近初節開樓蕩夜嬌集作

石橋通小澗竹路上青霄持底誰見許長愁成細腰

同前楊巨源

東風豔陽色柳綠花如霰競理同心鬟爭持合歡扇香  
傳賈娘手粉離何郎面最恨卷簾時含情獨不見

同前 李白

白馬誰家子黃龍邊塞兒天山三丈雪豈是遠行時春  
蕙忽秋草莎雞鳴曲集作西池風催寒櫓響月入霜闥悲憶  
與君別年種桃齊蛾眉桃今百餘尺花落成枯枝終然  
獨不見流淚空自知

同前 戴叔倫

前宮路非遠舊苑春將遍玉戶看早梅雕梁數歸集作飛燕  
身輕逐舞袖香暖傳歌扇自和秋風詞長侍昭陽殿誰  
信後庭人年年獨不見

同前 胡曾

玉關一自有氛埃年少從軍竟未回  
門外塵凝張樂榭水邊香滅按歌臺  
窗殘夜月人何處簾卷春風燕復來  
萬里寂寥音信絕寸心爭忍不成灰

攜手曲

出娥

攜手共惜芳菲節鶯嗁錦花滿城闕  
行樂逶迤念容色衰祇恐君恩歇  
鳳笙龍管白日陰盈虧自感青天月

大垂手

聶夷中言舞而垂其手也

金刀剪輕雲盤用黃金縷裝束  
趙飛燕教來掌上舞舞罷飛燕死  
片片隨風去

夜夜曲

愁人夜獨傷滅燭卧蘭房祇恐多情月旋來照妾牀

同前

王偁

北斗星移銀漢低班姬愁思鳳城西青槐陌上人行絕  
明月樓前烏夜啼

同前

僧貫休

蟪蛄切切風騷騷芙蓉噴香蟾蜍高孤燈耿耿征婦勞  
更深撲落金錯刀

秋夜長

王勃

秋夜長殊未央月明白露澄清光層城綺閣遙相望遙  
相望川無梁北風受節鴈南集作南鴈翔崇蘭委質時菊芳鳴  
環曳履出長廊爲君秋夜擣衣裳織羅對鳳皇丹綺雙

全唐詩  
鴛鴦調砧亂杵思自傷思自傷征夫萬里戍他鄉鶴關  
音信斷龍門道路長集作君在天一方寒衣徒自香

同前

張籍

秋天如水夜未央天漢東西月色光愁人不寐畏枕席  
暗蟲唧唧遶我傍荒城爲村無更聲起看北斗天未明  
白露滿田風裊裊千聲萬聲鶡鳥鳴

秋夜曲二首

王建

天清漏長霜泊泊蘭綠收榮桂膏涸高樓雲鬢弄嬋娟  
古瑟暗斷秋風弦玉關遙隔萬里道金刀不翦雙淚泉  
香囊火死香氣少向帷合眼一作誰眼何時曉城烏作營

野月秦川少婦生離別

秋燈向壁掩洞房良人此夜直明光  
天河悠悠漏水長南樓北斗兩相當

同前

張仲素

丁丁漏水夜何長漫漫輕雲露月光  
秋壁闇蟲通夕響寒衣未寄莫飛霜

同前

王涯

桂魄初生秋露微輕羅已薄未更衣  
銀箏夜久殷勤弄心性空房不忍歸

夜坐吟

李白

冬夜夜寒覺夜長沈吟久坐坐北堂  
冰合井泉月入閨青缸凝明

一作金缸青疑

照悲嘯青

一作金

缸滅嘯轉多掩妾淚聽君

歌歌有聲妾有情情聲合兩無違一語不入意從君萬  
曲梁塵飛

同前

李白

踏踏馬頭一作誰見過眼看北斗直天河西風羅幕生翠  
波鉛華笑妾顰青蛾爲君起唱一作長相思簾外嚴霜皆  
倒飛明星爛爛東方陞紅霞稍出東南涯陸郎去矣乘  
斑駁

夜寒吟

鮑溶

九衢金吾夜行行上宮玉漏遙分明霜颺乘陰掃地起  
旅鴻迷雪繞枕聲遠人歸夢旣不成畱家惜夜歡心發  
羅幕畫堂深皎潔蘭煙對酒客幾人獸火揚光二三月



細腰楚姬絲竹間白紵長袖歌閑閑豈識苦寒損朱顏

定情篇 為知

共君結新婚歲寒心未卜相與遊春園各隨情所逐君

念菖蒲花妾感苦寒竹菖花多豔妾寒竹有貞葉此時

妾比君君心不如妾簪玉步河堤妖韶援綠箴 集作 鳧鴈

將子遊鶯燕從雙栖君念春光好妾向春光嗟君時不

得意妾棄 集作 還金閨結言本同心悲懽何未齊怨咽前

致辭願得中所悲人間丈夫易世路婦難為始經天月

照 集作始如 終若流星馳 此下集有天月相終 長信佳麗人失意非

蛾眉廬江小吏婦非關織作遲本願長相對今已長相

思復有遊宦子結援從梁陳燕居崇三朝去來歷九春

誓心妾終始蠶桑奉所親歸願未克從黃金贈路人潔

婦懷明義從汎河之津於今千萬年誰當問水濱更憶

倡家樓夫壻事封侯去時思集作恩灼灼去罷心悠悠不憐

妾歲晏千載隴西頭以茲常惕惕百慮恒盈積由來共

結褵幾人同匪石故歲雕梁燕雙去今來隻今日玉庭

梅朝紅暮成碧碧榮始芬敷黃葉已浙瀝何用念芳春

芳春有流易何用重懽娛懽娛俄戚戚家本巫山陽歸

去路何長叙言情未盡采菜已盈筐桑榆日映物集作及景草

集作物色盈高岡下有碧流水上有丹桂香桂枝不須折碧

流清且潔贈君比芳菲受惠常不減集作贈君淚潺湲相

思無斷絕妾有秦家鏡寶匣裝珠璣鑑來年二八不記

易陰暉妾無光寂寂委照影依依今日持爲贈相識莫相違

定情樂

施有君

敢嗟君不憐自是命不諧著破三條裾

集作裾

卻還雙股釵

春江曲

郭元振春江已女曲也

江水春沈沈上有雙竹林竹葉壞水色郎亦壞人心

同前

張籍

春江無雲潮水平蒲心出水鳧雛鳴長干夫婿愛遠行  
自染春衣縫已成妾身生長金陵側去年隨夫住江北  
春來未到父母家舟小風多渡不得欲辭舅姑先問人  
私向江頭祭水神

同前

于源

搖漾越江春相將看集作采白蘋歸時不覺夜出浦月隨人

同前二首

張仲素

家寄征江集作河岸征人幾歲遊不知潮水信每日到沙頭

乘曉南湖去參差疊浪橫前洲在何處霧集作霜裏鴈嚶嚶

江上曲

李嘉祐

江上澹澹芙蓉花江口蛾眉獨浣紗可憐應是陽臺女

坐對鸕鷀嬌不語掩面羞看北地人回首集作身忽作空山

雨集作語蒼梧秋色不堪論千載依依帝子魂君看峯上斑

斑竹盡是湘妃泣淚痕

桃花曲

顧況

魏帝宮人舞鳳樓  
隋家天子泛龍舟  
君王夜醉春眠宴  
不覺桃花逐水流

樹中草

李白

鳥銜野田草  
誤入枯桑裏  
客土植危根  
逢春猶不死  
草木雖無情  
因依尚可生  
如何同枝葉  
各自有枯榮

同前

張祜

青青樹中草  
託根非不危  
草生樹卻死  
榮枯君可知

春遊吟

李賀

初春遍芳甸  
千里靄盈曠  
美人摘新英  
步步玩春綠  
所思杳何處  
宛在吳江曲  
可憐不待共  
芳菲日暮歸來淚  
滿衣

春遊樂 施肩吾

一年三百六十日賞心那似春中物  
草迷曲塢花滿園  
東家少年西家出

同前二首 李端

遊童蘇合帶集作 倡女蒲葵扇  
初日映城時相思忽相見  
褰裳踏露草理鬢回花面薄  
暮不同歸畱情此芳甸  
柘彈連錢馬銀鈎妥隋髮采集作 桑春陌上踏草夕陽間  
意合辭先露心誠貌卻閑  
明朝若相憶雲雨出巫山

春遊曲三首 張仲素

煙柳飛輕絮風榆落小錢  
濛濛百花裏羅綺競鞦韆  
騁望登香閣爭高下砌臺林間踏青去  
席上意錢集作 來

行樂三春節林花百和香當年重意氣先占鬪雞場

樂府二首

劉言史

花頷紅駿一向

集作何

偏綠槐香陌欲朝天仍嫌衆裏嬌行

疾傍鐙深藏白玉鞭

噴珠

集作沫

團香小桂條玉鞭兼賜霍嫖姚弄影便從天禁

出碧蹠聲碎五門橋

同前

顧況

暖谷春光至宸遊近甸榮雲隨天仗轉風入御簾輕翠  
蓋浮佳氣朱樓倚太清朝臣冠劍退宮女管弦迎細草  
承雕輦繁花入幔城文房開聖藻武衛宿天營玉醴隨  
觴空銅壺逐漏行五星舍土德萬姓徹中聲親祀先宗

典躬推示勸耕國風新正樂農器近消兵道德關河固  
刑章日月明野人同鳥獸率舞感升平

同前

權德輿

光風澹蕩百花吐樓上朝朝學歌舞身年二八壻侍中  
幼妹承恩兄尚主綠窗珠箔繡鴛鴦侍婢先焚百和香  
鶯囀日出不知曙寂寂羅幃春夢長

同前三首

孟郊

蓮子不可得荷花生水中猶勝道傍柳無事蕩春風  
淥萍與荷葉同此一水中風吹荷葉在淥萍西復東  
蓮花未開時苦心終日卷春水一作徒蕩漾荷花未開展

同前

陸長源



芙蓉初出水，菡萏露中花。風吹著枯木，無奈值空槎。

雜曲 王勃

智瓊神女來訪文君，蛾眉始約羅袖初薰。歌齊曲韻舞亂行分。集作紛若向陽臺薦枕，何啻得勝朝雲。

古曲五首 施肩吾

可憐江北女，慣唱江南曲。搖蕩木蘭舟，雙鳧不成浴。

郎爲七上香，妾爲集作籠上灰。歸時雖集作暖，熱去罷生塵埃。

埃

夜裁鴛鴦綺，朝織蒲桃綾。欲試一寸心，待縫三尺冰。

憐時魚得水，怨罷商與參。不如山支子，卻解集作能結同心。

紅顏感暮花，白日同流水。思君如集作孤燈，一夜一心死。

李白 唐亦有高麗曲李勣破  
高麗所進後改夷賓引者是也

白馬小遲回翩翩舞廣袖似鳥海東來

摩多樓子 李賀

玉塞去金人二萬四千里風吹沙作雲一時渡遼水  
白水如練甲絲雙串斷行行莫苦辛城月猶殘半曉氣  
朔煙上赳赳胡馬蹏行人聽水別隔隴長東西